

卷五十七

書名

群書考索
前集六十六卷
正德十三年
建陽劉氏慎獨書齋刊本

撰者

宋 章如愚 撰

卷

卷五十七

內容分類

子-類書 彙考 宋

索書號

子部-類書-17

編號

C5930300

[彩色首頁1](#)

[東洋文化研究所漢籍目錄 編號: C5930500](#)

[東洋文化研究所漢籍目錄所藏漢籍善本文影像資料庫 索書號: 子部-類書-17](#)

[漢籍善本文影像資料庫文本群書考索前集六十六卷 正德十三年建陽劉氏慎獨書齋刊本](#)

[書齋刊本](#)

版權所有: [東京大學](#) [東洋文化研究所](#)

[使用上的注意事項](#)

群書考索卷之一

前集

六經門

易類

易學傳授之圖

山堂

先生

章

俊卿

編輯

建陽

知縣

區

玉

刊行

羅源

知縣

徐

珪

校正

縣丞

管

詔

校正

周王孫

丁寬

服生

施璧

孟喜

京房

先事京房更

魯伯
張禹
趙贛

殷嘉
姚平
葉弘

群書考索卷五十七

前集

山堂先生章俊卿編輯

建陽知縣區玉刊行

縣丞管韶校正

律歷門

星官類

星官之書自黃帝始高陽氏使南正重司天北正黎司地帝嚳亦式序
帝堯乃命羲和欽若昊天夏有昆吾商有巫咸周有史佚宋之子韋魯
之梓謹鄧之裨竈晉之尾偃魏之石氏齊之甘公楚之唐昧越之尹皋
皆能言天文察時變也漢傳天數者有李尋之倫光武有蘇伯况即雅
光能參伍天文後張顥為太史令鑄渾天儀總序經星謂之靈憲三國
吳陳卓始列廿氏石氏巫咸三家星官著於圖錄宋元嘉中錢樂之鑄
渾天銅儀以朱墨白色用殊三家而合陳卓之數隋高祖平陳得善天
官者周墳并得宋渾儀器乃命庾季芳等參校周齊梁舊圖刊其大小

正彼疎密準三家星位以為蓋圖陽帝又遣官四十八訪太史局別詔
袁充教以星氣業成者進聞以參占驗史臣於觀臺訪渾儀見元魏趙
崇所造者以鐵為之乃周武帝平齊所得隋開皇三年以置觀臺之上
唐因用焉以隋晉制修。書堯典乃命羲和欽若昊天曆象日月星辰敬
授人時。堯命羲和出納日月考中星以正四時唐志。則曰在璇璣玉衡
以齊七政古者天人之際推候占測為術猶簡唐文。義和酒造發時
亂日。義和廢厥職酒荒于厥邑亂后承王命徂征。惟特義和顛覆
厥職沈亂于酒叛官離次傲優天紀乃季秋月朔辰弗集于房。馮相
氏掌十二歲十有二月十有二辰十有二十有八星之位辨其敘事以
會天位冬夏致日春秋致月以辨四時之叙。馮乘也相視也登高臺
以望天文之次序注。保章氏掌夫星以志日月星辰之變動以觀天
下之遷辨其吉凶以十三風察天地之和命卑別之妖祥以詔救政訪
序事。天子有日官諸侯有日御日官君卿以底日左傳十。襄公二
十七年十一月朔日有食之辰在申司曆過也。哀公十三年冬十二

月蠡季孫問諸仲尼仲尼曰丘聞之火伏而後蟄者畢今火猶西流司
歷過也。詩人所謂婚禮土功必俟天星春秋書日食星變傳載諸國
所占次舍伏見逆順周禮測景求中分星辨國妖祥察候至漢以後星
經曆法皆出於數術之學唐興太史李淳風得曆一行尤稱精博唐志

天文類

天文經星

經星常宿中外官凡一百一十八名積數七百八十三皆有州國官宮
物類之象張衡云文耀麗乎天其動者有七日月五星是也眾星布列
體生於地精成於列各宿錯峙若有攸屬在野象物在朝象官在人象
神有五列焉是為三十五名一居中央謂之北斗四布於方各七為二
十八舍中外之官常明者百有二十四可名者三百二十為星二千五
百微星之數蓋萬一千五百二十

中官

北極五星約陳六星皆在紫宮中北極北辰最尊者也其紐星天之樞

也天運大窮三光迭曜而極星不移第一星主月太子也第二星主日
帝王也亦太乙之座第三星主五星度子也鈞陳後宮也大帝之居也
北四星曰文宮御宮鈞陳口中一星曰皇天大帝抱北極四星曰四輔所
以佐北極而出政授度太帝上九星曰華蓋所以覆蔽六帝之座也下
九星曰搖蓋之柄也又下五星曰五帝內座扛旁六星曰六甲極下一
星曰柱下史北一星曰女史傳合九星在華蓋上亦曰南河中五之
造父御官也一日伯樂西河中九星曰鈞星天一星在紫宮中門右星
南天帝之神也太一星在天一南亦天帝之神也紫宮垣十五星其西
蕃七東蕃八在北斗北一日紫微大帝之座天子之常居也一日長垣
東垣下五星曰天柱門內東南維五星曰尚書三納言尚書西二星曰
陰德陽德宮門左星內二星曰大理主刑門外六星曰天床西南角外
二星曰內厨東北維外六星曰天厨北極紫宮旁舍北斗一星輔一
星在太微北七政之樞機陰陽之元本也故運乎天中而臨制四方以
運四時而均五行也魁四星為璇機杓三星曰玉衡又曰斗為人君之

象也號令之主也又為帝車取運動之義又第一星曰天樞為天二曰
璇為地三曰璣為日四曰權為時五曰玉衡為音六曰開陽為律七曰
瑞光為星一至四為魁五至七為杓石氏云一主天主秦二主地主楚
三主火主梁四主水主吳五主土主燕六主木主趙七主金主齊魁中
四星為貴人之宰輔星傳乎開陽所以佐斗成功丞相之象也杓南三
星及魁第一星西三星皆曰三公主宣德化調七政和陰陽之官也西
漢志曰杓攜龍角衡中南斗用脊建者杓夜半建者衡平旦建者魁斗
運乎中央臨制四方移節度定諸紀皆繫乎斗北斗之次文星六星在
北斗魁前天之六府也一日上將二曰次將三曰貴相四曰司祿中
五曰司命六曰司寇西漢志曰四曰司命五曰司祿六曰司寇與此不同此六星曰內階相一星
在北斗南總領百司以集衆事太陽星在相西西北四星曰勢天牢六
星在魁下北文昌宮之次太微天子庭五帝之座也一日為衡主平
二諸侯之府也其外藩九卿也南藩中二星門曰端門東曰左執法廷
尉之象也西曰右執法御史之象也左執法之東左掖門也右執法之

西右掖門也東蕃四星一曰上相二曰次相三曰次將四曰上將西蕃四星一曰上將二曰次將三曰次相四曰上相皆曰四輔也西南角外三星曰明堂天子布政之宮西三星曰靈臺主觀雲物左執法東北一星曰謁者主贊賓客也謁者東北三星曰三公內朝坐會之所居也北三星曰九卿內座九卿西五星曰內五諸侯辟雍之禮得則太微明此太微之次黃帝座在太微中含樞紐之神天子動得天度則帝座明黃帝座不明人主求賢以輔法四帝星夾黃帝座東方蒼帝神也南方赤帝神也西方白帝神也北方黑帝神也北一星曰太子太子北一星曰從官帝座東北一星曰幸臣神也四星在端門之內所以擁蔽帝庭即位十五星在帝座東北即將在即位武賁一星在太微西蕃北斗常陳七星在帝座北此五帝座之次三台六星兩兩而居起文昌抵上微一曰天柱三公之位也在天曰三台主開德宣符也西近文昌二星曰上台為司命王壽次二星曰中台為司中主宗室東二星曰下台為司祿主兵所以昭德塞害也又曰三台為天階大一躡以上

下一曰泰階上階上星為太子下星為女士中階上星為諸侯三公下星為卿大夫下階上星為士下星為庶人所以相陰陽而理萬物也南四星曰中平近職執法平罪之官也中台之北一星曰太尊貴戚也此三台之次攝提六星直斗標之南主建時節焉攝以夾擁帝座西三星曰周鼎大角在攝提間大角者天主座也北三星曰棟其北一星曰招搖其北一星曰天戈招搖與北斗杓間曰天庫天搶三星在北斗杓東女床三星在紀星北天梧五星在女床北七分七星在招搖東三公之象也貫索九星主法律九星皆明天下獄煩天紀九星在貫索東織女三星在天紀東東足四星四漸臺西足五星曰輦道左右角間二星曰平道西一星曰進賢亢東咸西各四星在房心北日月五星之道也一星在房東北鈞鈴主關籥天市垣二十二星在房心東北帝座一星在天市中候一星在帝座東北宦者四夷在帝座西南宗正二星在帝座東南宗人四星在宗正東宗星二在候星東天江四星在星北天籥八星在南斗柄西建星六星在南斗北東南四星曰狗國北三星曰

天鵝天弁九星在健星北河鼓三星旗九星在牽牛北旗端四星南北
列曰天棹離珠五星在須臾北天津九星橫河中騰蛇二十二星在營
室北王良五星在奎北其四星曰天駟旁一星曰王良前一星曰策星
閣道六星在王良前傳路一星在閣道南大將軍十二星在婁北大陵
八星在胃北北九星曰天船一曰舟星中一星曰積水昂西二星曰天
街卷舌六星在昂北五車五星三柱九星在畢北西北大星曰天庫窮
星曰天倉東南星曰司空西南星曰卿星其中五星曰天漢潢南三星
曰咸池東南六星曰諸王其西八星曰八穀天關一星在五庫南日月
之所行也東井鉞前四星曰司恆西北九星曰坐旗西四星曰天高西
一星曰天河南河北河各三星兩河開日月五星之常道也河南三星
曰闕立五諸侯五星在東井北南二星曰天樽積水一星在北河西積
薪一星垣積水東水位四星在積薪東軒轅十七星在北軒轅右
角南三星曰酒旗南二星曰天相軒轅西四星曰權耀北四星曰內平
少微四星在北太微西一星曰士明八而黃則賢士舉也西四星曰長垣

此周天之星也

二十八宿

二十八宿入度最多者吳如東井其次莫如南斗其少者莫如角觜
其次莫如輿鬼

東方角一星為天關其間天關其內天庭黃道徑其中七曜之所行左
角為大田主刑右角為將主兵亢四星天子之內庭也氐四星天子之
宿宮房四星為明堂天子布政之宮也亦四輔也又為四表中間為天
衢為天淵黃道之所經也南間日陽間北間曰陰間七曜由乎天衢則
天下和平亦曰天駟為天馬主車駕亦曰天廐又主開閉為蓄藏又北
小星為鈞鈴房之鈞銑天之管籥明而近房天下同心心三星天王正
位也中星曰明堂天子位為大辰主天下之賞罰前星為太子後星為
廢子尾九星後宮之場亦為九子色欲均明小大相承則後宮有叙箕
四星亦后妃之府主八風凡日月宿在箕東壁翼軫者風起
北方南斗六星天廟也丞相太宰之位主褒賢進士又主兵牽牛六星

天之關梁主犧牲事須文四星天小府也主布帛虛二星三宰之臣也
主北方邑居廟堂祭祀祝禱事危三星主天府營室二星天子之官也
為主功事東壁二星主文章天下圖書之秘府

西方奎十六星天之武庫也主以兵禁暴婁三星主苑牧犧牲供給郊
祀胃三星天之厨藏主倉廩五穀府也昂七星天之耳也主西方又為
旄頭胡星也昂畢間為天衡黃道之所經畢八星三邊兵戈獵月入畢
多兩臂麟三星為二軍之使參十星白獸之體中三星主將

南方東井八星天之南門黃道所經主水衡寶鬼五星天目也主視明
察奸謀柳八星天之厨宰七星主衣裳文繡張六星主珍寶而又主天
厨翼一十二星天之樂州主夷狄遠客軫四星亦主冢宰輔臣也並晉

十二次度數

角亢氏壽星在辰鄭元州角十三度亢九度房心大火在昴宋豫州房五
度尾箕析二在寅燕幽州箕十八度斗牛女星紀在丑吳越揚州十六
度牛八度虛危元枵在子齊青州子十七度危星壁警姬在亥衛并州

翼州畢十一度觜參參星沈在申益州十一度參東井與心鶉首在
未泰雍州度鬼三十三度柳七星星計度張三河度鶉火在午周二輔
三河翼度軫度鶉星在巳楚荊州

七曜

日月天之運也一晝一夜而運過周星從天而西遶天而東日有中道
黃道夏至至於東井北近極故晷短冬至至於牽牛南遠極故晷長春
秋分日至婁角去極中而晷中皆去極近遠之差晷景短長之制也陽
用事則日進而北晝進而長陽勝故為溫暑陰用事則日退而南晝退
而短故為涼寒此寒暑之表日有九行青白黑赤各一道立春春分
東從青道立秋秋分西從白道立冬冬至北從黑道立夏夏至南從赤
道日行不可指而知也故以二至二分之星為候至月行則以晦朔決
之日之所行為中道月五生皆臨之也律歷志曰日月相推日合月速
當其同謂之合朔先速後近一遠三謂之弦相與為衡分天之中謂三

望以速及舒光盡體伏謂之晦晦朔合離斗建移辰謂之日月之行則
有冬有夏冬夏之間則有春有秋是故日行北陸謂之冬西陸謂之春
南陸謂之夏東陸謂之秋隋志曰東陸謂之春南陸謂之夏西陸謂之秋
日在奎季春日在胃孟夏日在畢仲夏日在東井季夏日在柳孟秋日在翼
在翼仲秋日在角季秋日在房孟冬日在尾仲冬日在斗季冬日在發
在四時日在陸孟月未正自仲至季皆日道發南去極彌遠其景彌
長遠長乃極冬乃至焉日道欽以去極彌近其景彌短近短乃極夏乃
至焉二至之中道齊景正春秋分焉日有中道月有九行行出入而交
生焉朔會望陸衡鄰於所交虧薄生焉並漢大元經曰日一北而萬物
生日一南而萬物死揚子雲曰日未望則載鬼於西至望則終鬼於東
傳不曰冬至而曰日南至極於牽牛之初日中之時景最長以此知其
南至斗綱之端運貫營室織女之紀指牽牛之初以紀日月故曰星紀
五星起其初日月起其中凡十二次日至其初為至節至其中斗建下
為十二辰視其建而知其次劉歆曰之與月其陰陽尊卑之號若君臣
然觀君居中而佚臣旁行而勞臣近君則威損遠君則勢盛故月遠日

則其光盈近日則其明缺
禮書五星傳曰者德也月者刑也日食者德薄月食者刑重
不得改日食神祇不修金事不得故月食

五星

歲星東方木主春仁也貌也仁虧貌失逆春令傷木氣則罰見歲星

日義失罰出主齊長營室為清朝歲星廟也災惑南方夏火禮也視也

禮虧視近逆夏令傷火氣罰見災惑主楚是越以南心為明堂災惑廟

也。鎮星中央土主信也心也仁義禮智以信為主貌言聽視以心

為正故四星皆失填為之動南斗填星廟主王子史記曰德義刑殺

。太白西方秋金義也言也義虧言失逆秋令傷金氣罰見衣白亢太

白廟也主大臣史記曰殺失。辰星北方冬智也水也聽也智虧聽失

逆冬令傷水氣罰見辰星辰星主刑主燕趙史記曰萬失七星辰星廟

也志晉。太史公曰五星色白圜赤圜青圜黑圜皆凶黃圜則吉五星同

色天下偃兵百姓寧昌西漢志曰漢元年十月五星聚東井以曆推之

從歲星也魏高允謂崔浩曰漢元年冬十月五星聚東井此乃曆推之

從歲星也
魏高允謂崔浩曰漢元年冬十月五星聚東井此乃曆推之
從歲星也
魏高允謂崔浩曰漢元年冬十月五星聚東井此乃曆推之

水二星常附日而行冬十月日旦在尾箕宿設於東南而東方出於寅北二星何因奔月而行是史官敘神其事不復推之於理浩曰欲為變者何所不可若猶不疑二星之聚而在一星之末允曰此不可以空言爭惜惟曰高君長於曆術不虛言矣既而允謂浩曰果如君語五星以前三月聚於東井非十月也四執志曰凡五星差行惟災或太白與諸星不同有動便張坐此入氣爪變化起祥獨異他星。東坡曰金水常附日不遠而十月日在箕尾此浩所以疑其妄以予考之十月為正蓋十月乃今之八月耳八月而得七月節則日猶在翼軫間則金水聚於井亦不甚遠方是時沛公未得天下甘石何意諂之也。太歲在寅曰攝提格在卯曰單閼在辰曰執除在巳曰大荒落在午曰敦牂在未曰協洽在申曰涒灘在酉曰作噩在戌曰掩茂在亥曰大淵獻在子曰困敦在丑曰赤奮若各分為十二月。七曜總論七政之行遲速不同故其復會為其難日之行也一歲一周天月之行也一月一周天歲星以十二年而一周鎮星以二十八年而一周熒惑以二年而過周惟太白辰星附日而行或速則先日或遲則後日速而先日昏見西方遲而後日晨見東方要之周天僅與日月同故亦一歲一見焉惟七政之行不齊如此其所以難合也而世之觀漢史者見其論太初之曆

日月如合璧五星如連珠遂以為五星會於太初之元年殊不知此乃論太初推而上之不於渾元之初其數之精密無有餘分以有是言在太初實未嘗知合璧如連珠也五星之行其最遲者莫如鎮星試以鎮星考之漢高元年五星聚東井蓋鶉首之次也自高祖元年至太初元年凡百有二十年也鎮星二十八而一周當是時鎮星之周天蓋以三周而復行半周有餘已進在元枵之次矣安得有日月如合璧五星如連珠起於牽牛之初乎夫日舒而月速當以二十九日半強而相及蓋月行速而日行舒故也故一歲之周凡十有二會焉以其序而言之十有一月會於星紀之次十有二月元枵正月訾二月降婁三月大梁四月實沈五月鶉首六月鶉火七月鶉尾八月壽星九月大火十月析木夫會而為晦晦而復蘇明於是乎生焉是之謂朔月之行速漸遠於日以周天言之其近日也九十一度有奇其遠於日也三百七十四度有奇是之謂一近一遠三為弦此謂上弦也其行甚遠而與日對去日百八十二度六十二分有奇是謂相與為衡分天之中為望蓋日

與月相望故也其行過中遠於日也二百七十四度有奇其謂之近一
近一遠三為弦此謂下弦也上弦在於八日下弦在於二十二日望在
於十五日此其常也與弦或退則是七日或進則在九日下弦或退則
在二十一日或進則在於二十三日望或退則在於十四或進在十六
此其變也

軍天儀

十二辰十二土

天有十二次日月之所躔地有十二辰王侯之所國周官大司徒辨十
有二土十有二壤保章氏以星土辨九州所封皆有分星以觀妖祥蓋
九州十二域或繫之北斗或繫之二十八宿或繫之五星則雍主魁箕
主搖青兖主璣揚主權荆主衡梁主魁陽豫主搖光此繫之北斗者
也星紀吳越也元枵齊也娵訾衛也降婁魯也大梁趙也實沈晉也鶉
首秦也鶉火周也鶉尾楚也壽星鄭也大火宋也析木燕也此繫之二
十八宿者也歲星主歲吳楚歲主楚越鎮星主王子太白主大臣辰星
主將趙代此繫之五星者也然吳越南而星紀在丑齊東而元枵在子
魯東而降婁在戌東西南北相反而相屬何耶先儒以謂古者受封之
日歲星所在之辰其國屬焉春秋凡言占相之術以歲星所在為福
歲星之所在為文故師曠梓潼之徒以天道在西北而晉不害歲在
越而吳不利歲在元枵而宋鄭饑歲棄星紀而周楚惡歲在承韋而蔡
禍歲及大梁而楚則古之言星次者未嘗不視歲星之所在也

書禮

中星

書於仲夏舉房心而月令舉亢書於仲秋舉奎而月令舉牛書於仲冬
舉昴而月令舉壁則書之中星常在後月令中星常在前蓋月令舉月
本書舉月中也月令昏旦之中星或舉朔氣或舉中氣猶書於七星或
舉其名或舉其次皆互見也書禮○月令四時昏旦之中星皆協二十八
宿之度惟仲春之月昏弧中旦建星中夫弧建二星一預於二十八宿
之列而月令云爾者蓋弧屬於井建屬於斗故也曆書舉昏旦中星者
取其示人以中而已如中春之月昏東井中旦南斗中然考之二十八
宿東井南斗其度最闊中春昏旦并斗之度雖中并斗之星甚遠故秦

之為歷慮其非示人以中之意乃視井度之中其昭然當中者莫如弧
星故取以代井焉視斗度之間其昭然當中者莫如建星故取以代斗
焉其實弧屬井建屬斗耳賈逵曰建星即斗星謂建之度即斗之度此
說是矣若李奇謂古以建星為宿今以牽牛為是大不然漢書○月令
仲春之月昏弧中按尚書之日中星鳥不同者如鄭康成之意南方七
宿總為星鳥并鬼則鳥星之分故云鳥星與此同也按仲夏昏亢中尚
書云日求星火不同者按鄭公孫顯云星火非謂心也卯之三十度總
為大火其為大火之次有星者月令舉其月之初朔書則總舉一月之
初中故不耳也按仲秋之月昏牽牛中書云宵中星虛仲冬之月云東
壁中書云日短星昴不同者亦是月令舉其初朔而書總舉一月之初
中理亦不異孔安國注書一所舉星者皆云七星並見是舉見之義不

謂南方之中

三辰五星

太極運三辰五星於上而元氣轉三統五行於下故其於人皇統三統
五事於中故三辰之合於三統也日合於天統月合於地統斗合於人
統五星合於五行水合於辰星火合於熒惑金合於太白木合於歲星
土合於鎮星三辰五星相經緯緯

十二風

十有二風風之生於十二辰者也考之傳曰陽立于五極于九五九四
十五則變矣八風各四十五日艮為條風震為明庶風巽為清明風離
為景風坤為涼風兌為闔闔風乾為不周風坎為廣莫風卦不遇八則
風亦八而已言十二風者乾之風漸九月坤之風漸六月艮之風漸十
二月巽之風漸三月而四維之風皆主兩月艮為條風而立春亦曰條
風巽為清明而立夏亦曰清明坤曰涼風而立秋亦曰涼風乾為不周
風而立冬亦曰不周風所以為十二風也保章氏以十二風察天地之
和命乖別之妖祥鄭曰十二辰皆有風吹律以知和否楚師伐鄭師曠
曰吾驟歌北風又歌南風南風不競多死聲楚必無功是時楚師多凍
則其命乖別也審矣

八風

八風從律而不好樂謂十二月律也樂音象八風其樂得其度故八風應八節條風者條者生也明庶風明廢者迎廢也清明風清明者芒也景風景者大也言陽氣長養也涼風涼者寒也陰氣行也閭闔風閭闔者咸取養也不周風不周者不交也言陰陽未合化也廣莫風廣莫者大莫也開陽氣也王文。季札聘魯觀周樂曰五聲和八風平五平二十。○舜曰惟聖人知樂之本以通八風雅。○天漢起於天漢起東方徑其尾之間謂之漢津乃分為南北二道至天津下而合西南行以分而東南行在七星南而沒晉隋。○天雲漢自坤抵艮為地紀唐文。○析木謂之津箕斗之間津也雅。

祥瑞

三皇邁紀五星如連珠日月如合璧東漢。伏羲有神龍負圖之瑞炎帝。感神龍而生黃帝受命有雲瑞寶馬之祥有土德之瑞故號黃帝少昊。鳳鳥至堯時甘露降芝草生醴泉出又有萸英生於庭舜謂韶九成鳳。

鳳來儀擊石拊石百獸率舞禹時天雨金三日亦嘗雨稻塗山之會濟

河黃龍負舟

劉敞

龜書界奴之應商元為墮卵而生契

史

又有白狼

銜環之異嘉禾同本而異秀其大盈車

瑞應

周姜嫄踐臣人之跡而生

稷

武王

之與白魚入于王舟有火至于王臺流為赤色鳥

史或曰

齊威

將伯

高祖

入秦五只聚房高祖生而有交龍之祥又有赤帝之瑞芒碭

雲氣之異冬十月至霸上五星聚東井此高帝受命之符客謂張耳曰

東井秦地漢王入秦五星從歲星聚當以義取天下文帝時黃龍見成

紀

武帝元符元年獲白麟作白麟之歌元陽四年得寶馬后土祠旁馬

生溼注水中作寶馬天馬之歌元始三年幸東海獲赤鴈作赤鴈之歌

宣帝初卧居數有光耀神爵元年詔曰嘉穀元稷降于郡國神爵仍集

金芝九莖產函德殿銅池中九真獻奇獸南郡獲白虎威鳳為寶東濟

大河神魚舞幸萬歲宮神爵集其政元神爵是後鳳凰五至改元五鳳

三年甘露降改元甘露夏黃龍見新豐又改元黃龍成帝時犍為郡於

水濱得古磬十六枚議者以為善祥劉向言宜興辟雍庠序雅頌之音

漢光武生而赤光照室中中興獲赤伏符強華云四七白水真人王莽改金刀為貨泉或龍飛白水鳳翔參虛張衡兩光武謂馮異曰我夜夢

乘龍上天建武中鳳凰見陳晉兩谷形如稗實中元中醴泉湧出京師朱草生嘉禾一莖九穗光武嘗自謙每郡國上靈物輒抑而不當並東

明帝永平中王雒山出寶鼎澤湖出黃金麒麟白雉醴泉嘉禾所在出焉又甘露降於甘陵芝草生神爵集詔賈逵作頌章帝時鳳凰仍集麒麟並臻甘露降嘉穀滋生郡國上符瑞合於圖書者數百千所漢魏

文帝生黃龍見於熊明帝景初時黃龍見有司奏宜以建丑為正孫吳時黃龍見武昌嘉禾生會稽因以改元黃龍嘉禾三國志魏青龍中張掖

郡寶石負圖有石燕七後司馬氏興晉武帝大始中嘉禾生於酒泉一帶十莖晉書有白雉之頌祿邑獻馴象後有五馬渡江一馬化為龍之謠

元帝中興之兆有日重暈皆以為中興之象晉書唐高祖時野蠶成繭太

宗曰此見群臣上表賀祥瑞天象給人足而無瑞不害為堯舜後魏之世吏贊運理木養白雉而食之豈足為至治乎自今惟大瑞表聞皆有

鵲巢殿槐上左右賀上曰常笑陽帝好祥瑞瑞在得賢此何足賀遂

命毀之大手室中產素芝十四莖並為麟鳳之形高宗龍朔中含光殿前麟趾見改元麟德三年鳳凰集改儀鳳元宗開元中潞州獻瑞應圖

謂宰相曰往者史官惟記災異將令王者懼而脩德故春秋不書祥瑞惟記有年聖人之意明矣勅天下不得奏祥瑞代宗大曆中澤州進慶

雲圖制曰以時和年豐為嘉祥以進賢遂忠為良瑞如慶雲靈草異木自今諸道並不須進德宗正元詔曰所寶惟賢至如嘉禾神芝奇禽異

獸蓋虛美也宜停進七年梓州言嘉禾生麟食之一鹿引群鹿隨焉使工圖之以獻文宗開成中詔以慈惠恭儉為休證人和年豐為上瑞諸

道祥瑞並不得聞奏太宗時長孫無忌曰嘉祥又還陛下推而弗居今天也耳會要五代之時唐明宗即位焚香祝天願早生聖人為中國主二年

而太祖生於洛陽夾馬營神光滿室異香達于外今俗呼為香兒營太祖時有瑞文馴象玉烏皓爵之瑞詔和峴作樂章昭憲生太宗時夢神

人捧日置懷而孕雍熙中獲一角獸太宗曰珍禽異獸無益於事非所

尚但得時和歲稔人安俗阜乃為上瑞淳化元年宋炎奏錢祚以來郡國所獻羽俗之瑞三十七蹄角之瑞三十六草木之異雲露之應不可勝紀上謙遜不以示外願付史館宏詞**真宗**大中祥符間太山天書降上東封觀外郡獻嘉禾顧左右曰天下豈稔即祥瑞也實仁宗時河北進芝草是日雪上曰今日嘉雪大滋宿麥自勝芝草之瑞聖政論

義論

歐陽公五代史曰自秦以來尤多祥瑞予讀蜀書至龜龍麟鳳之類所謂王者之嘉祥莫不畢出於國或以為王氏不足以當之但視時之治亂可知也龍之為物以不見為神以升雲行雨為得致令偃然暴露其形是不神也可以為妖鳳之遠來有道之應今數至或出於庸君謬政之時或出於危亡大亂之際豈可為瑞哉麟獸之遠人也故孔子書西狩獲麟譏之也如堯舜武湯之世麟未嘗一出而當亂世孰知其為瑞哉此數物者皆出於蜀雖可以為瑞物亦可疑也庾幾或者有作焉一斑彪王命論惟王者之興瑞應之異世系之短長固非好奇論以寧

時俗也蓋天子之貴神明之祿可得而妄虜哉周未見運世無功本德不紀而能崛起在此位者也司馬遷作史記其紀述三代之世系而因元鳥以生履巨跡以孕白魚赤鳥之瑞亦累累言之不厭孟堅之贊高祖則遠推其世系之所從出而知其為帝堯之後芒碭之雲當道之蛇此其可以常理論哉二史最為精簡豈猶有費辭正以天位不可幸而得其杜窺窬之意深矣是故陳嬰之母自念其家勢之微不欲嬰之暴貴韓淮陰智勇無敵甘心於高祖之服正以為帝之興為天授非人力也

伏異

堯時十日並出焦禾稼上射十日民皆喜商太戊立桑穀共生於朝伊陟曰妖不勝德帝政其有闕歟帝從太戊修德而桑穀死高宗祭湯有飛雉升鼎而鴈祖已訓王先修政事史記**成王**初周公攝政管蔡流言而公居東時大熟未獲天大雷電以風禾盡偃大木斯拔邦人入大恐王啓夫金縢之書曰冲人不交知今天動威以彰周公之德出郊乃雨反風

未盡起歲乃熟國語曰幽王時山川皆震伯楊父曰陽伏而不能出陰迫而不能承於是不乎有地震劉向曰幽厲之際朝廷不和是日月薄蝕而無光其曰朔日辛卯日有食之彼月而微此日而微天變見於上地變見於下水泉沸騰山谷易處其詩曰百川沸騰高岸為谷深谷為陵霜降失節其詩曰正月繁霜我心幽傷此不和之所致也至春秋二百四十年日食三十六地震五彗星三見夜常星不見星隕如雨者一火災十二五石隕墜六鷁退飛周道遂不復興宋景公災惑守心宋之分也司星子韋曰可移於相公曰相吾之股肱可移於民公曰君者待民可移於歲公曰歲饑民困吾誰為君子韋曰君有君人之言宜有動於是果徙三度史記齊景公彗星見當分晏子曰君高臺深池賦歛如弗得刑罰恐不勝第星將出彗何懼乎公曰可移否曰神可祝而來亦可禳而去百姓怨苦以萬數而君令一人禳之安可勝衆口乎虞世南景公懼而修德十六日而滅晉梁山之變召伯寶重人曰國主山川故山川摧竭則君為之不舉降服而徹樂札幣史辭以禮焉雖伯宗若之

何昭公四年大雨雹申豐曰聖人在上無雹雖有不為災國人鑄刑書

士文伯曰火未出而作火以鑄刑器鄭其太平十七年日食祝史請用幣昭子曰日食天子不舉伐鼓于社諸侯用幣伐鼓于朝禮也冬有星

孛于大辰裨竈言於子產曰以宋衛陳鄭將同日火若我用璣竿鄭必

不火子產弗與戊寅風甚皆火裨竈言曰不用吾言鄭又將火子產曰

天道遠人道邇邇焉知天道是亦多言矣遂不與亦不復火漢文帝元

年齊楚地震二十九山同日崩大水潰出胡曰史書其異而無其應或

不然意者帝方以德化天下愛民惟然傷之所以有災異之證而無其應二年日有食之詔舉賢良以正不

逮景帝時日食旱蝗星孛無歲無之武帝六年有星孛于東井長竟天

遣王恢韓安國擊越元光三年河水決濮陽汎郡十六發卒十萬救決

河起龍淵宮元狩四年長星出于西北衛青霍去病各將五萬騎伐軍

于元封二年瓠子河決命從臣將軍以上皆負薪塞河其秋有星孛于

東井又有星孛于三台望氣王朔言獨見填星出如瓜食頃復入有司

皆曰陛下建漢家封禪天報其德星云昭帝元鳳三年太山有大石自

立上林有柳木枯僵自起生此宣帝興之兆也宣帝元年地之缺也對
曰物之自然未必關人事今責躬自省未必不為福也唐武后長壽三
年三月大雪蘇味道將賀王求禮曰此火也乃誣為瑞若三月雪是為
瑞雪臘月雷為瑞雷乎元宗開元七年日食素服俟變微樂宋璟曰日
食修德月食修刑君子耻言浮於行苟至誠以行不必數下詔也初太
廟四室環上素服避正殿宋璟蘇頌願且停東都之幸姚崇曰太廟皆
符堅時物歲久朽腐而壞適與行朝相會不可姚信從先是二月朔太
史奏太陽應虧不虧姚崇表賀德宗正元中司天奏是日太陽虧是時
以陰雲不見百寮稱賀

諸儒言災異

仲舒治國推陰陽錯行求雨閉諸陽澤諸陰其上雨反是彙未上主父
偃切而奏焉於是下吏劉向見洪範陳五行陰陽休咎之證乃集春秋
至春秋災異之說紀推述行事著其占驗號曰洪範五行傳焦延壽長
於言災異八八六十四卦更直日用事以風雨寒溫為候各有占驗京

房用之充

青孟東一爻主一日六十卦三百六十日終四

京考

以六十律相生之法占陰陽寒燠風雨後翼奉元帝初上封事曰知下

之術在六清十二律而已北方好貪狼申子主之東方陰賊並行是以

王者忌子卯也南方惡廉貞寅午主之西方喜寬大巳酉主之二陽並

陽是以王者吉午酉也樂行奸邪辰未主之哀行公正戌丑主之辰未

屬陰戌丑屬陽物各以類應廼正月癸未日加申有暴風從西南來未

主奸邪申主貪狼風以太陰下抵月建前是人主左右邪人之氣即顛

父崇學京氏易善風角星筭謂候四方能望氣占候吉凶顛亦夜占象

度並漢京房說凡日食不以每朔者名曰薄社預謂日光以望時遙奪

月光故日蝕日月相會月掩日故日蝕李吉甫曰日月運行遲速不齊

凡周天三百六十五度有餘日行一度月行十三度有餘率二十九日

半而與日會又月行有南北九道之異或進或退若晦朔之交日與月

所掩故有薄食之變劉歆說凡日食君能修政則災消福至不能則福

息禍生故經書災而不記其故蓋吉凶無常隨行而成禍福也蘇曰仲

息禍生故經書災而不記其故蓋吉凶無常隨行而成禍福也蘇曰仲

尼修春秋二百四十二年日星之變必晝而月蝕不紀解之者云月諸
侯道也夷狄象也彼有虧王者中國之政勝故不為灾或云蓋取詩人
彼月而蝕則惟其常之義也仲舒言星孛者惡氣之所生也劉向謂五
星羸縮變色逆行甚則為孛劉歆說孛所以除舊布新也左氏曰人火
曰火天火曰灾陳蕃上火灾䟽曰惟善政可以已之魏明帝崇華灾高
堂隆曰推禮修德可以勝李固曰地震地者陰也法當安靜今也越陰
之職專陽之政故應以震動張行成吳陽君象也地陰臣象也君宜轉
動臣宜安靜今地震焉宜深思以杜其萌仲舒曰天心仁愛人君必示
灾異以警懼之春秋末周德雖微數十年間無灾者天所棄也



